



## Universitätsbibliothek Paderborn

**Novæ Observationes Et Additiones Ad A. R. P. D.  
Bartholomæi Gavanti Congreg. Cleric. Regul. S. Pauli ac  
Sac. Rit. Congregat. Consultoris Commentaria In Rubricas  
Missalis Et Breviarii Romani**

Adiectis Summorum Pontificum & Sac. Rit. Congreg. Decretis usque ad  
præsens emanatis

Complectens omnia Gavanti Commentaria in Rubricas Breviarii - Cum  
Indicibus Decretorum, Rerum atque Verborum notabilium

**Merati, Gaetano Maria**

**Augustæ Vindelicorum, 1740**

**VD18 10783695-002**

De obligatione Officii Divini. IV.

**urn:nbn:de:hbz:466:1-39775**

Apostolis ad nostra usque tempora pervenisse. Divinam Psalmodiam ab ortu Ecclesiae, & deinceps temporum serie servatam osten-

dit pariter prisorum PP. auctoritatibus more suo doctissimo Card. Bona in suo Tractatu Divinae Psalmodiae cap. I. §. 4.

**Cap. III. De partibus Divini Officii, & Horarum numero.**

*Carent novis Observat. & Additionibus.*

**Novæ Observationes & Additiones ad Gavanti****Cap. IV. De Obligatione Officii Divini.**

I. Gavant, pag. 3. col. 1. n. 3. -- *Sive sit beneficium tenue &c.*) Quamvis sit Communis sententia Doctorum, præsertim Pontificii Juris, hujusmodi Beneficiariis, possidentibus etiam tenuem Beneficium, incumbere onus recitandi quotidie Horas Canonicas, nihilominus plures viri docti, & pii censem, qui Beneficium possidet, exiguo proventus annuus reddens, à recitatione Officii excusari: ita inter primos tenuit Sctus lib. 10. de *Justitia quest. 5. num. 3.* cui adhæsit Petrus Aragonius 2. 2. *quest. 83. art. 12.* & alii recentiores, qui etiam plus requirunt, v. g. quindecim, vel sexdecim aureos anni redditus; ita ut Beneficium suppeditet saltem bonam aliquam partem tenuis sustentationis, ut ad quotidianum pensum horarum Beneficiarius obligetur. Oliverius Bonartius lib. 2. *capit. 6. num. 11.* admittit tanquam probabilem hanc sententiam, sed animadvertisit, quod qui solum recipit ex Beneficio viginti quinque florenos, satisfaciet suo oneri Canonicum Officium Festis tantum, Dominicisque diebus legendo, quia summa illa non attingit quartam partem mediocris sustentationis, ut quotidie Officium recitare teneatur, sed quia aliquid ab Ecclesia recipit, æquum est, ut aliquid etiam obsequium Ecclesiae reddat, additque, sententiam Sotii, & aliorum intelligendam esse de Beneficio, quod à principio fuit tenue, & modicum, non vero de illo, quod ab initio pingue, & opulentum,

postea casu aliquo ad tenuiores proventus redactum est. Numero vero 3. non admittit tanquam probabilem, neque tanquam practice securam quorundam Doctorum Sententiam, extendentium opinionem Sotii ad Beneficiarium non habentem totam sustentationem ex Beneficio; quia (ait ipse) Beneficium non debet totum victimum, & amictum Clerico suppeditare, cum lectio horarum vix duas horas diei requirat, ut commode adimplatur.

II. Gavant, pag. 3. col. 1. n. 4. -- *Neque Pensionarius &c.*) Certum est apud Theologos, & Canonum Doctores non obligari ad Officium Canonicum eos, qui ex Patrimonio Ecclesia alimenta capiunt per modum Pensionis etiam Titulo Clerici, id est, ob Spirituale aliquod ministerium, verum quamvis Pensionarii ad Horas Canonicas legendas non teneantur, & ad nihil iure antiquo obligarentur, nova tamen Constitutione S. Pii V. tenentur dicere ad minus Officium B. M. V., alioquin fructus non faciunt suos, sed ad eorumdem restitutionem, eadem cum Beneficiarii mensura, obstringuntur: hac obligatione tenentur præsertim Pensionarii illi, quorum Pensio est Ecclesiastica, & Spirituialis, vel saltem media inter Ecclesiasticam, & temporalem. Quod si sit Pensio merè temporalis, non obligabit ea gaudentem ad quidquam recitandum.

**Cap. V. De Defectibus in Officio Divino contingentibus.**

*Tit. I. De Omissione.*

*Carent novis Observat. & Additionibus.*

**Nova**

